

DECRETO DA ALCALDÍA**ASUNTO: RECTIFICACIÓN ERRO DECRETO 78/2026****EXPEDIENTE: 627/2026**

Por decreto número 78/2026, de 15 de xaneiro de 2026, acordouse aprobar o número de prazas para o servizo de conciliación da vida laboral e familiar do Concello de Ames denominado “Primavera lúdica 2026” así como o período de inscrición.

Advertido un erro nos días de celebración do servizo, debe procederse a corrixilo.

Resultando que, segundo o artigo 109.2 da Lei 39/2015, do 1 de outubro, do Procedemento Administrativo Común das Administracións Públicas: “As Administracións Públicas poderán, así mesmo, rectificar en calquera momento, de oficio ou a instancia dos interesados, os erros materiais, de feito ou aritméticos existentes nos seus actos”.

De conformidade co disposto no artigo 21 da Lei 7/1985, do 2 de abril, Reguladora das Bases de Réxime Local e artigo 41 do Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, esta Alcaldía, en virtude das facultades que lle veñen conferidas pola lexislación vixente,

RESOLVO:**Primeiro.- Rectificar o erro material advertido no parágrafo primeiro.****Onde di:**

“A primavera é unha oferta educativa e de ocio concibida para conciliar a vida laboral e familiar dos veciños e veciñas de Ames durante o período non lectivo de Semana Santa, concretamente para o ano 2026, os días 30 e 31 de marzo e 1 e 2 de abril”.

Debe dicir:

“A primavera é unha oferta educativa e de ocio concibida para conciliar a vida laboral e familiar dos veciños e veciñas de Ames durante o período non lectivo de Semana Santa, concretamente para o ano 2026, os días 30 e 31 de marzo e 1 e 6 de abril”.

Segundo.- Rectificar o erro material advertido no parágrafo noveno: “Días desenvolvemento do programa”**Onde di:**

“Días desenvolvemento do programa: 30 e 31 de marzo e 1 e 2 de abril”.

Debe dicir:

“Días desenvolvemento do programa: 30 e 31 de marzo e 1 e 6 de abril”.

Terceiro.- Modificar polo tanto o Decreto 78/2026 que quedaría redactado nos seguintes

termos:

ANTECEDENTES:

A primavera é unha oferta educativa e de ocio concibida para conciliar a vida laboral e familiar dos veciños e veciñas de Ames durante o período non lectivo de Semana Santa, concretamente para o ano 2026, os días 30 e 31 de marzo e 1 e 6 de abril. As normas de organización e funcionamento de dito programa están reguladas no “Regulamento de funcionamento dos programas lúdicos do Concello de Ames” publicado no BOP núm. 243, de 26 de decembro de 2022.

O servizo está dirixido aos nenos e nenas de Ames que durante o prazo de inscrición estean escolarizados no 2º ciclo de Educación Infantil e Primaria.

Segundo establece o artigo 12 de dito Regulamento, os lúdicos desenvólvese en Bertamiráns e no Milladoiro, nos locais habilitados polo Concello e que se farán públicos en cada convocatoria nas oficinas de O Milladoiro e Bertamiráns e tamén na páxina web do Concello “www.concellodeames.gal”.

Tendo en conta o número de horas de prestación do servizo que ten contratadas o Concello, é necesario establecer o número máximo de usuarios por centro e por nivel de infantil e primaria.

Á vista de todo o anterior, no uso das atribucións que me outorga a lexislación do réxime local, **RESOLVO:**

1º.- Iniciar o prazo de inscrición para o servizo de conciliación da vida laboral e familiar do Concello de Ames denominado “Primavera lúdica 2026”

Dito prazo de inscrición estará aberto desde o 16/01/2026 ata o 30/01/2026 ámbolos dous días incluídos.

2º.- Informar que os días de desenvolvemento do programa e os centros habilitados para a súa realización son os seguintes:

Días desenvolvemento do programa: 30 e 31 de marzo e 1 e 6 de abril.

Lugares habilitados:

Milladoiro

Escola de Educación Infantil de Milladoiro: para os/as alumnos/as escolarizados durante o curso 2025/2026 nalgún dos niveis do segundo ciclo de educación infantil.

CEP de Ventín: para os/as alumnos/as matriculados/as durante o curso 2025/2026 nalgún dos niveis de educación primaria.

Bertamiráns

CEIP de Maía: para os/as alumnos/as escolarizados durante o curso 2025/2026 nalgún dos niveis do segundo ciclo de educación infantil e educación primaria.

3º.- As prazas estimadas dispoñibles para este programa por centro e por grupos de idade é o seguinte:

EEI Milladoiro		30 prazas
CEP Ventín		30 prazas
CEIP A Maía	Infantil	30 prazas
	Primaria	30 prazas

A cobertura de prazas realizarase conforme ao estipulado no artigo 17 do Regulamento de funcionamento dos programas lúdicos do Concello de Ames.

4º.- Facer públicos a organización e os horario de entrega e recollida do Entroido Lúdico



2026, que se incorpora como anexo I a este Decreto. Estes horarios poden sufrir modificacións en función das necesidades organizativas dos servizos.

5º.- Dar conta deste decreto ao Pleno na seguinte sesión que se celebre.

ANEXO I

ORGANIZACIÓN DO SERVIZO DE CONCILIACIÓN DA VIDA LABORAL E FAMILIAR “PRIMAVERA LÚDICA 2026” DO CONCELLO DE AMES E HORARIOS DE ENTREGA E RECOLLIDA

A organización dos/s nenos/as que participan na Primavera Lúdica 2026 realizarase en base a unha ratio de 1 monitor/a por cada 15 nenos/as, excepto no caso de nenos/as con necesidades específicas de apoio educativo onde a ratio será 1/1.

O límite de prazas da Primavera Lúdica definirase por grupo e por centro.

Os grupos establécense en función das idades dos nenos/as, polo que ás prazas que haxa nese grupo só poden ser ofertadas aos nenos/as que estean dentro dese grupo de idade concreto e dentro dese centro concreto.

RECOMENDACIÓNS XERAIS

- Non poderán participar na Primavera Lúdica 2026 o/a neno/a:

- Se ten febre, diarrea, vómitos, piollos, enfermidades contaxiosas...

- Os nenos e nenas deberán traer unha mochila ou bolsa que permita meter todas as súas pertenzas, unha botella de auga e algo para merendar a media mañá.

- As zonas onde se fai o lavado de mans estará dotadas de xabón e toallas de papel. Levarase a cabo unha hixiene de mans frecuente con auga e xabón e realizarase antes e despois das comidas e despois de ir ao lavabo.

- Utilizaranse desinfectantes con actividade virucida autorizados e rexistrado polo Ministerio de Sanidade, respectando as indicacións da etiqueta para limpar as superficies

- Non está permitido traer xoguetes ou calquera outro obxecto de xogo da casa.

HORARIOS ESPECÍFICOS DE CADA CENTRO (estes horarios poden sufrir modificacións en función das necesidades organizativas dos servizos)

HORARIOS CEP VENTÍN:

Bos Días: 7:30 – 9:00 Porta do comedor

Entrada: 9:00 – 9:30 Porta do pavillón (accédese dende a explanada para aparcar)

Saída sen xantar: 14:00 – 14:30 Porta do pavillón

Saída con xantar: 15:00 – 16:00 Porta do pavillón

HORARIOS CEIP MAÍA:

Bos Días: 7:30 a 9:00 Porta principal do comedor

Entrada: 9:00 a 9:30

Infantil: porta principal do comedor

Primaria: porta lateral do comedor (fronte ao patio cuberto)

Saída sen xantar: 14:00 a 14:30

Infantil: Patio cuberto (porta principal)

Primaria: Patio cuberto (porta lateral, acceso pola rampa)

Saída con xantar: 15:15 a 16:00

HASH DO CERTIFICADO:
730CB0C7BEDE26CF91FFE12FB1AD5324897DCDF6
440CC275F588D1FD51B97C1176917A619A04AD97

POSTO DE TRABAJO:
Alcaldesa por delegación
secretaría

NOME:
SENORIS RODRIGUEZ, SUSANA
Lucia Artime Alonso

Asinado Dixitalmente no Concello de Ames - <https://sede.concellodeames.gal> - Código Seguro de Verificación: 15220IDOC25835B86B4B8BE046BC





Infantil: Patio cuberto (porta principal)

Primaria: Patio cuberto (porta lateral, acceso pola rampa)"

Decretouna a Sra 1ª Tenente de alcalde, alcaldesa por delegación en Ames na data de sinatura dixital, do que eu, Secretaria Xeral deste concello, dou fe e traslado.

1ª Tenente de alcalde

Alcaldesa por delegación

(Decreto 62/2026 de 15 de xaneiro de 2026)

Susana Señorís Rodríguez

A secretaria xeral

Lucía Artime Alonso

HASH DO CERTIFICADO:
739C80C7BEDE26CF91FFE12FB1AD5324897DCDF6
440CC275F588D1FD51B97C1176917A619A04AD97

POSTO DE TRABALLO:
Alcaldesa por delegación
secretaría

NOME:
SEÑORIS RODRIGUEZ, SUSANA
Lucia Artime Alonso

Asinado Dixitalmente no Concello de Ames - <https://sede.concellodeames.gal> - Código Seguro de Verificación: 15220IDOC25835B86B4B8BE046BC

